

page :

K022

條目：

一切想，一切即神

內容：

『於地有地想，地即是是神，地是神所，神是地所，彼計地即是神已，便不知地。如是水、火、風、神、天、生主、梵天、無煩、無熱。淨，……無量空處、無量識處、無所有處、非有想非無想處、一、別、若干、見、聞、覺、知，得觀意所念、意所思。從此世至彼世，從彼世至此世，彼於一切有一切想，一切即是神，一切是神所，神是一切所，彼計一切即是神已，便不知一切。』中二十六·4

【案：「即是是」，末尾之「是」疑為衍字。】

出處：

※參見《中阿含經》卷 26〈因品 4〉(一〇六)《想經》(CBETA, T01, no. 26, p. 596, b12-22)：

【按：亦參 M. 1. Mūlapariyāya sutta.】

爾時，世尊告諸比丘：「若有沙門、梵志於地有地想，地即是神，地是神所，神是地所，彼計地即是神已，便不知地。如是水、火、風、神、天、生主、梵天、無煩、無熱。彼於淨有淨想，淨即是神，淨是神所，神是淨所，彼計淨即是神已，便不知淨，無量空處、無量識處、無所有處、非有想非無想處、一、別、若干、見、聞、識、知，得觀意所念、意所思。從此世至彼世，從彼世至此世，彼於一切有一切想，一切即是神，一切是神所，神是一切所，彼計一切即是神已，便不知一切。」

條目：

五種子

內容：

『根種子、樹種子、果種子、節種子、子種子為五。』中二十六·2

出處：

※參見《中阿含經》卷 26〈因品 4〉(一〇四)《優曇婆羅經》(CBETA, T01, no. 26, p. 593, a8-22)

「復次，無恚！或有一清苦行苦行，因此清苦行苦行，若見沙門、梵志為他所敬重、供養、禮事者，便面訶此沙門、梵志言：『何為敬重、供養、禮事？汝多欲、多求、常食，食根種子、樹種子、果種子、節種子、**[1]種子為五**。猶如暴雨，多所傷害五穀種子，燒亂畜生及於人民。』如是，彼沙門、梵志數入他家亦復如是。無恚！若有一清苦行苦行，因此清苦行苦行，若見沙門、梵志為他所敬重、供養、禮事者，便面訶此沙門、梵志言：『何為敬重、供養、禮事？汝多欲、多求、常食，食根種子、樹種子、果種子、節種子、**[*]種子為五**。猶如暴雨，多所傷害五穀種子，燒亂畜生及於人民。』如是，彼沙門、梵志數入他家亦復如是者，是謂，無恚！行苦行者穢。」

【按：p. 593, [1] 子+（子）【宋】*【元】*【明】*。】

條目：

依法不依財

內容：

四緣資具易得，而不得正念正定解脫者，捨之去。甚難可得，而得正念正定解脫者，住。中二十七·1. 2.

出處：

※參見《中阿含經》卷 27〈林品 5〉（一〇七）《林經》(CBETA, T01, no. 26, p. 596, c27-p. 597, b4)：

【按：亦參 M. 17. Vanapattha sutta.】

爾時，世尊告諸比丘：「比丘者，依一林住，我依此林住，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，若無正念不得正念，其心不定不得定心，若不解脫不得解脫，諸漏不盡不得漏盡，不得無上安隱涅槃，然不得涅槃；學道者所須衣被、飲食、床榻、湯藥、諸生活具，彼一切求索，易不難得。彼比丘應作是觀：『我出家學道，不為衣被故，不為飲食、床榻、湯藥故，亦不為諸生活具故。然我依此林住，或無正念不得正念，其心不定不得定心，若不解脫不得解脫，諸漏不盡不得漏盡，不得無上安隱涅槃，然不得涅槃；學道者所須衣被、飲食、床榻、湯藥、諸生活具，彼一切求索，易不難得。』彼比丘如是觀已，可捨此林去。」

「比丘者，依一林住，我依此林住，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，或無正念便得正念，其心不定而得定心，若不解脫便得解脫，諸漏不盡而得漏

盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，甚難可得。彼比丘應作是觀：『我出家學道，不為衣被故，不為飲食、床榻、湯藥故，亦不為諸生活具故。然依此林住，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，甚難可得。』彼比丘如是觀已，可住此林。」

※參見《中阿含經》卷 27〈林品 5〉(一〇八)《林經》(CBETA, T01, no. 26, p. 597, c13-p. 598, a9)：

【按：亦參 M. 17. Vanapattha sutta.】

爾時，世尊告諸比丘：「比丘者，依一林住，我依此林住，或所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，所為出家學道，欲得沙門義，此義於我不得，學道者所須衣被、飲食、床榻、湯藥、諸生活具，彼一切求索，易不難得。彼比丘應作是觀：『我出家學道，不為衣被故，不為飲食、床榻、湯藥故，亦不為諸生活具故。然我依此林住，所為出家學道，欲得沙門義，此義於我不得，學道者所須衣被、飲食、床榻、湯藥、諸生活具，彼一切求索，易不難得。』彼比丘如是觀已，可捨此林去。

「比丘者，依一林住，我依此林住，或所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，甚難可得。。彼比丘應作是觀：『我出家學道，不為衣被故，不為飲食、床榻、湯藥故，亦不為諸生活具故。然我依此林住，所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，甚難可得。』彼比丘如是觀已，可住此林。」

條目：

住處

內容：

『如依林住，冢間、村邑、依於人住。』中二十七·1.2.

出處：

※參見《中阿含經》卷 27〈林品 5〉(一〇七)《林經》(CBETA, T01, no. 26, p. 597, b20-c9)：

【按：亦參 M. 17. Vanapattha sutta.】

「比丘者，依一林住，我依此林住，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，易不難得。彼比丘應作是觀：『我依此林住，或無正念便得正念，其心不定而得定心，若不解脫便得解脫，諸漏不盡而得漏盡，不得無上安隱涅槃則得涅槃；學道者所須衣被、飲食、床榻、湯藥、諸生活具，彼一切求索，易不難得。』彼比丘如是觀已，依此林住，乃可終身至其命盡，如依林住，[3]塚間、村邑、依於人住亦復如是。」

佛說如是。彼諸比丘聞佛所說，歡喜奉行。

【按：p. 597, [3] 塚＝冢【宋】【元】【明】。】

※參見《中阿含經》卷 27〈林品 5〉(一〇八)《林經》(CBETA, T01, no. 26, p. 598, a20-b4)：

【按：亦參 M. 17. Vanapattha sutta.】

「比丘者，依一林住，我依此林住，或所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，易不難得。彼比丘依此林住，依此林住已，所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，易不難得。彼比丘應作是觀：『我依此林住，所為出家學道，欲得沙門義，此義於我得，學道者所須衣被、飲食、床榻、湯藥、諸生活具，彼一切求索，易不難得。』彼比丘作是觀已，依此林住，乃可終身至其命盡，如依林住，[2]塚間、村邑、依於人住亦復如是。」

【按：[2]塚＝冢【宋】【元】【明】。】

條目：

善自觀心（A）

內容：

有止無觀求止，有觀無止求觀，俱無勤求得之；俱得則『當求漏盡智通作證。』

有惡法（中二十三·1）求滅，無惡法『求漏盡智通作證。』中二十七·3. 4.

出處：

※參見《中阿含經》卷 27〈林品 5〉（一〇九）《自觀心經》(CBETA, T01, no. 26, p. 598, b10-c14)：

【按：亦參 A. X. 51, 54. Sacitta.】

爾時，世尊告諸比丘：「若有比丘不能善觀於他心者，當自善觀察於己心，應學如是。云何比丘善自觀心？比丘者，若有此觀，必多所饒益：我為得內止，不得最上慧觀法耶？我為得最上慧觀法，不得內止耶？我為不得內止，亦不得最上慧觀法耶？我為得內止，亦得最上慧觀法耶？

「若比丘觀已，則知我得內止，不得最上慧觀法者，彼比丘得內止已，當求最上慧觀法，彼於後時得內止，亦得最上慧觀法。若比丘觀已，則知我得最上慧觀法，不得內止者，彼比丘住最上慧觀法已，當求內止，彼於後時得最上慧觀法，亦得內止。若比丘觀已，則知我不得內止，亦不得最上慧觀法者，如是比丘不得此善法，為欲得故，便以速求方便，學極精勤，正念正智，忍不令退。猶人為火燒頭、燒衣，急求方便救頭、救衣。如是，比丘不得此善法，為欲得故，便以速求方便，學極精勤，正念正智，忍不令退，彼於後時即得內止，亦得最上慧觀法。若比丘觀已，則知我得內止，亦得最上慧觀法。彼比丘住此善法已，當求漏盡智通作證。所以者何？我說不得畜一切衣，亦說得畜一切衣。云何衣我說不得畜？若畜衣便增長惡不善法、衰退善法者，如是衣我說不得畜。云何衣我說得畜？若畜衣便增長善法、衰退惡不善法者，如是衣我說得畜。如衣、飲食、床榻村邑亦復如是，我說不得狎習一切人，亦說得狎習一切人。云何人我說不得狎習？若狎習人便增長惡不善法、衰退善法者，如是人我說不得狎習。云何人我說得與狎習？若狎習人便增長善法、衰退惡不善法者，如是人我說得與狎習。」

※參見《中阿含經》卷 27〈林品 5〉（一一〇）《自觀心經》(CBETA, T01, no. 26, p. 598, c24-p. 599, a29)：

【按：亦參 A. X. 51, 54. Sacitta.】

爾時，世尊告諸比丘：「若有比丘不能善觀於他心者，當自善觀察於己心，應學如是。云何比丘善自觀心？比丘者，若有此觀，必多所饒益：我為多行增伺，為多行無增伺？我為多行瞋恚心，為多行無瞋恚心？我為多行睡眠纏，為多行無睡眠纏？我為多行調貢高，為多行無調貢高？我為多行疑惑，為多行無疑惑？我為多行身淨，為多行無身淨？我為多行穢污心，為多行無穢汙心？我為多行信，為多行不信？我為多行精

進，為多行懈怠？我為多行念，為多行無念？我為多行定，為多行無定？我為多行惡慧，為多行無惡慧？

「若比丘觀時，則知我多行增伺、瞋恚心、睡眠纏、調貢高、疑惑、身諍、穢汙心、不信、懈怠、無念、無定、多行惡慧者，彼比丘欲滅此惡不善法故，便以速求方便，學極精勤，正念正智，忍不令退。猶人為火燒頭、燒衣、急求方便救頭、救衣。如是，比丘欲滅此惡不善法故，便以速求方便，學極精勤，正念正智，忍不令退。若比丘觀時，則知我多行無增伺、無瞋恚心、無睡眠纏、無調貢高、無疑惑、無身諍、無穢汙心、有信、有進、有念、有定、多行無惡慧者。彼比丘住此善法已，當求漏盡智通作證。所以者何？我說不得畜一切衣，亦說得畜一切衣。云何衣我說不得畜？若畜衣便增長惡不善法、衰退善法者，如是衣我說不得畜。云何衣我說得畜？若畜衣便增長善法、衰退惡不善法者，如是衣我說得畜。如衣，飲食、床榻村邑亦復如是，我說不得狎習一切人，亦說得狎習一切人。云何人我說不得狎習？若狎習人便增長惡不善法、衰退善法者，如是人我說不得狎習。云何人我說得與狎習？若狎習人便增長善法、衰退惡不善法者，如是人我說得與狎習。」

【按：「惡法」，參見《中阿含經》卷 23〈穢品 3〉（八九）《比丘請經》(CBETA, T01, no. 26, p. 572, b7-29)。】

條目：

善取善捨（A）

內容：

『若畜衣，（飲食、床榻、村邑），便增長惡不善法，衰退善法者，如是衣我說不得畜。（反之得畜）……我說不得狎習一切人，亦說得狎習一切人。（其義同上）』中二十七:3. 4.

出處：

※參見《中阿含經》卷 27〈林品 5〉（一〇九）《自觀心經》(CBETA, T01, no. 26, p. 598, c3-14)：

【按：亦參 A. X. 51, 54. Sacitta.】

「我說不得畜一切衣，亦說得畜一切衣。云何衣我說不得畜？若畜衣便增長惡不善法、衰退善法者，如是衣我說不得畜。云何衣我說得畜？若畜衣便增長善法、衰退惡不善法者，如是衣我說得畜。如衣、飲食、床榻、村邑亦復如是，我說不得狎習一切人，亦說得狎習一切人。云何人我說不得狎習？若狎習人便增長惡不善法、衰退善法

者，如是人我說不得狎習。云何人我說得與狎習？若狎習人便增長善法、衰退惡不善法者，如是人我說得與狎習。」

※參見《中阿含經》卷 27〈林品 5〉(一一〇)《自觀心經》(CBETA, T01, no. 26, p. 599, a19-29)：

【按：亦參 A. X. 51, 54. Sacitta.】

「我說不得畜一切衣，亦說得畜一切衣。云何衣我說不得畜？若畜衣便增長惡不善法、衰退善法者，如是衣我說不得畜。云何衣我說得畜？若畜衣便增長善法、衰退惡不善法者，如是衣我說得畜。如衣，飲食、床榻村邑亦復如是，我說不得狎習一切人，亦說得狎習一切人。云何人我說不得狎習？若狎習人便增長惡不善法、衰退善法者，如是人我說不得狎習。云何人我說得與狎習？若狎習人便增長善法、衰退惡不善法者，如是人我說得與狎習。」

條目：

達梵行 (A)

知漏

內容：

『知漏，謂有三漏：欲漏、有漏、無明漏。……知漏所因生，謂無明也。……知漏有報，謂無明纏者，為諸漏所漬，彼因此受報，或得善處，或得惡處。……知漏勝如，謂或有漏生地獄（五趣）中。……知漏滅盡，謂無明滅，漏便滅。……知漏滅道，謂八支聖道。……如是知，……是謂達梵行。』

出處：

※參見《中阿含經》卷 27〈林品 5〉(一一一)《達梵行經》(CBETA, T01, no. 26, p. 599, b25-c9)：

【按：亦參 A. VI. 63. Nibbedhika sutta.】

「云何知漏？謂有三漏：欲漏、有漏、無明漏，是謂知漏。云何知漏所因生？謂無明也。因無明則便有漏，是謂知漏所因生。云何知漏有報？謂無明纏者，為諸漏所漬，彼因此受報，或得善處，或得惡處，是謂知漏有報。云何知漏勝如？謂或有漏生地獄中，或有漏生畜生中，或有漏生餓鬼中，或有漏生天上，或有漏生人間，是謂知漏勝如。云何知漏滅盡？謂無明滅，漏便滅，是謂知漏滅盡。云何知漏滅道？謂八支聖

道，正見乃至正定為八，是謂知漏滅道。若比丘如是知漏，知漏所因生，知漏受報，知漏勝如，知漏滅盡，知漏滅道者，是謂達梵行，能盡一切漏。」

條目：

知覺

內容：

『知覺，謂有三覺。……知覺所因生，謂更樂也。……知覺有報，謂愛也。……知覺勝如，謂覺樂覺時便知覺樂覺（同中二十四·2）……知覺滅……知覺滅道。』

出處：

※參見《中阿含經》卷 27〈林品 5〉（一一一）《達梵行經》(CBETA, T01, no. 26, p. 599, c9-26)：

【按：亦參 A. VI. 63. Nibbedhika sutta.】

「云何知覺？謂有三覺：樂覺、苦覺、不苦不樂覺，是謂知覺。云何知覺所因生？謂更樂也。因更樂則便有覺，是謂知覺所因生。云何知覺有報？謂愛也。愛為覺報，是謂知覺有報。云何知覺勝如？謂比丘者，覺樂覺時便知覺樂覺，覺苦覺時便知覺苦覺，覺不苦不樂覺時便知覺不苦不樂覺，樂身、苦身、不苦不樂身，樂心、苦心、不苦不樂心，樂食、苦食、不苦不樂食，樂無食、苦無食、不苦不樂無食，樂欲、苦欲、不苦不樂欲，樂無欲、苦無欲覺、不苦不樂無欲覺時，便知覺不苦不樂無欲覺，是謂知覺勝如。云何知覺滅盡？謂更樂滅，覺便滅，是謂知覺滅盡。云何知覺滅道？謂八支聖道，正見乃至正定為八，是謂知覺滅道。若比丘如是知覺，知覺所因生，知覺有報，知覺勝如，知覺滅盡，知覺滅道者，是謂達梵行，能盡一切覺。」

條目：

知想

內容：

『知想，有四想。小想，大想，無量想，無所有處想。……知想所因，謂更樂也。……知想有報，謂（言）說也。……知想勝如，謂或有想想色，（聲等）……知想滅，……知想滅道。』

出處：

※參見《中阿含經》卷 27〈林品 5〉(一一一)《達梵行經》(CBETA, T01, no. 26, p. 599, c26-p. 600, a9)：

【按：亦參 A. VI. 63. Nibbedhika sutta.】

「云何知想？謂有四想。比丘者，小想亦知，大想亦知，無量想亦知，無所有處想亦知，是謂知想。云何知想所因生？謂更樂也。因更樂則便有想，是謂知想所因生。云何知想有報？謂說也。隨其想便說，是謂知想有報。云何知想勝如？謂或有想想色，或有想想聲，或有想想香，或有想想味，或有想想觸，是謂知想勝如。云何知想滅盡？謂更樂滅想便滅，是謂知想滅盡。云何知想滅道？謂八支聖道，正見乃至正定為八，是謂知想滅道。若比丘如是知想，知想所因生，知想有報，知想勝如，知想滅盡，知想滅道者，是謂達梵行，能盡一切想。」

條目：

知欲

內容：

『知欲，謂有五欲功德。……知欲所因生，謂更樂也。……知欲有報，謂隨欲種（餘？）愛樂著而住彼，因此受報有福處、無福處、不動處。……知欲勝如。（例想）……知欲滅盡。……知欲滅道。……』

出處：

※參見《中阿含經》卷 27〈林品 5〉(一一一)《達梵行經》(CBETA, T01, no. 26, p. 600, a9-23)：

【按：亦參 A. VI. 63. Nibbedhika sutta.】

「云何知欲？謂有五欲功德，可愛、可喜、美色、欲想應、甚可樂。云何為五？眼知色，耳知聲，鼻知香，舌知味，身知觸，是謂知欲。云何知欲所因生？謂更樂也。因更樂則便有欲，是謂知欲所因生。云何知欲有報？謂隨欲種愛樂著而住彼，因此受報有福處、無福處、不動處，是謂知欲有報。云何知欲勝如？謂或有欲欲色，或有欲欲聲，或有欲欲香，或有欲欲味，或有欲欲觸，是謂知欲勝如。云何知欲滅盡？謂更樂滅欲便滅，是謂知欲滅盡。云何知欲滅道？謂八支聖道，正見乃至正定為八，是謂知欲滅道。若比丘如是知欲，知欲所因生，知欲受報，知欲勝如，知欲滅盡，知欲滅道者，是謂達梵行，能盡一切欲。」

條目：

知業

內容：

『知業，謂有二業：思、已思業。……知業所因生，謂更樂也。……知業有報，謂或有業，黑有黑報；或有業，白有白報；或有業，黑白黑白報；或有業，不黑不白、無報業業盡。……知業勝如。（例漏）……知業滅盡。……知業滅道。』

出處：

※參見《中阿含經》卷 27〈林品 5〉（一一一）《達梵行經》(CBETA, T01, no. 26, p. 600, a23-b8)：

【按：亦參 A. VI. 63. Nibbedhika sutta.】

「云何知業？謂有二業：思、已思業，是謂知業。云何知業所因生？謂更樂也。因更樂則便有業，是謂知業所因生。云何知業有報？謂或有業黑、有黑報，或有業白、有白報，或有業黑白、黑白報，或有業不黑不白、無報，業業盡，是謂知業有報。云何知業勝如？謂或有業生地獄中，或有業生畜生中，或有業生餓鬼中，或有業生天上，或有業生人間，是謂知業勝如。云何知業滅盡？謂更樂滅業便滅，是謂知業滅盡。云何知業滅道？謂八支聖道，正見乃至正定為八，是謂知業滅道。若比丘如是知業，知業所因生，知業有報，知業勝如，知業滅盡，知業滅道者，是謂達梵行，能盡一切業。」

條目：

知苦

內容：

『知苦，謂生苦（苦八）。……知苦所因生，謂愛也。……知苦有報，謂或有苦微遲滅，或有苦微疾滅，或有苦盛遲滅，或有苦盛疾滅。……知苦勝如，（凡夫遇苦求呪）……知苦滅盡。……知苦滅道。』中二十七·5

出處：

※參見《中阿含經》卷 27〈林品 5〉（一一一）《達梵行經》(CBETA, T01, no. 26, p. 600, b8-25)：

【按：亦參 A. VI. 63. Nibbedhika sutta.】

「云何知苦？謂生苦、老苦、病苦、死苦、怨憎會苦、愛別離苦、所求不得苦、略五盛陰苦，是謂知苦。云何知苦所因生？謂愛也。因愛生苦，是謂知苦所因生。云何知苦有報？謂或有苦微遲滅，或有苦微疾滅，或有苦盛遲滅，或有苦盛疾滅，苦苦盡，

是謂知苦有報。云何**知苦勝如**？謂不多聞愚癡凡夫，不遇善知識，不御聖法法，身生覺極苦甚重苦，命將欲絕，出此從外，更求於彼。或有沙門、梵志，持一句呪，或二、三、四、多句呪，或持百句呪，彼治我苦，如是因求生苦，因習生苦，苦滅，是謂知苦勝如。云何**知苦滅盡**？謂愛滅苦便滅，是謂知苦滅盡。云何**知苦滅道**？謂八支聖道，正見乃至正定為八，是謂知苦滅道。若比丘如是知苦，知苦所因生，知苦有報，知苦勝如，知苦滅盡。知苦滅道者，是謂達梵行，能盡一切苦。」

條目：

愚癡凡夫持咒（A）

內容：

愚癡凡夫，……身生覺極苦甚重苦，命將欲絕，……持一句咒……百句咒，彼治我苦，如是因求生苦，因集生苦。』中二十七·5

出處：

※參見《中阿含經》卷 27〈林品 5〉（一一一）《達梵行經》(CBETA, T01, no. 26, p. 600, b8-25)：

【按：亦參 A. VI. 63. Nibbedhika sutta.】

「云何知苦？謂生苦、老苦、病苦、死苦、怨憎會苦、愛別離苦、所求不得苦、略五盛陰苦，是謂知苦。云何知苦所因生？謂愛也。因愛生苦，是謂知苦所因生。云何知苦有報？謂或有苦微遲滅，或有苦微疾滅，或有苦盛遲滅，或有苦盛疾滅，苦苦盡，是謂知苦有報。云何知苦勝如？謂不多聞愚癡凡夫，不遇善知識，不御聖法法，身生覺極苦甚重苦，命將欲絕，出此從外，更求於彼。或有沙門、梵志，持一句呪，或二、三、四、多句呪，或持百句呪，彼治我苦，如是因求生苦，因習生苦，苦滅，是謂知苦勝如。云何知苦滅盡？謂愛滅苦便滅，是謂知苦滅盡。云何知苦滅道？謂八支聖道，正見乃至正定為八，是謂知苦滅道。若比丘如是知苦，知苦所因生，知苦有報，知苦勝如，知苦滅盡。知苦滅道者，是謂達梵行，能盡一切苦。」